

KA ACTERIK KE ICI WITCIHAKANIWITCIK KA AKWERITAMIHAKANIWITCIK KANATA

E MAMO MAMICITCITCIKATEK KEKWAN

Kekwan anihe ka mamomamicitcitatek kekwan ?

E mamomamicitcitatek mamom kekwan kaskina awik otci kekwan e ki patahikatek wirawaw otci e ki takickakotcik. Kaskina patam wewerita masinahikatewa kekwaraw ka ki onitatcik kekotc tan irikik. Peikw tca awik iciwitaw kitci nta wapatarawetc tan ka ki itactatcik. Wirawaw tca tipaskonikewinik patam kata otapinamok ka ici mamomamicitcitatek acitc kata oreritamok tan ke ici natockowatcik ka ki patahamiritci kekotc ka ki weckeritci.

Nihe mamomamicitcitan matci kata micta micariw acitc warowik kata icamakaniw. Nanikotin aric nama tepirak peikw awik takickako e akweritamihakaniwitc micta mitcetiwok matci ka takickakotcik. Wetci tca matci mamomamicikemonaniwok matci kaskina aniki kitci witakik arimitakosiwinik tan ka ki ici akohikotcik opimatisiwiniwak kekotc tan ka ki ici otamickakotcik.

Awin ke ki orisindahak ka mamomamicititakik ?

Kaskina aniki e tacitcik wirawaw orapamewok awiriw ke orisindahamiritci omamicitamowiniwaw. Matci peikw neta ka takickakotc kaie wir ka ki ici apineckatcik kekotc ka miro kiskeritak ka ki aisparinik aka mia e ki otci totowakaniwitcik. Mitowi ko aniki ka mamom otamirotcik, ka atoskectaketcik, aimihewinik ka ici atoskectaketcik, nehirowisiwok e ki mamowinitotcik ki ocitawok kaie wirawaw mamocitamowiniw.

Mitcerika ia ni nihe mitowi totcicatew e mamomamicitcitatek kekwan ?

Aniki tipaskonikewinik ka mitatcik otapinamok kekwaraw mamom e mamomamicitcitatek aric e micta mitcetosinatek kekwan ke nosanetakaniwok. Ni apitc 2011 nihe Code criminel ki orisindaham kitci nosanetakaniwok kecpin e takok wecimewin.

Nihe tca ka itasinatek irakonike masinahikan 722.2 neta Code criminel apitc ki kitci pimotemakan 23 mikomin pisimw 2015 enkweriw ke nosanetatcik e orisindahikik ka wi mamocitatakik. Nihe tca masinahikan 722.2 masinatew neta kitci witcihiwemakak e orisindahikatek mamocitamowin kaskina anihitci otci patahamowina ota Kanata.

Matci ia ni kata ki tapwatcikectamakew kitci kiciwetc kaskina awiriw otci kitci itectamowatc ?

Kecpin takwe neta ka wi tapwatcikectamaketc kitci kiciwetc mekwatc e arimitakosinaniwonik e tacitcik ka mamocitatakik otci patam kata ici naheritam tipaskonikewiniw ka mitatc. Matci kaie kata ki oreritam tan matci ke ki totcitatek e wapatarawaniwok nihe mamocitamowin matci kata ki motci masinacteparitaw.

Naha ke tapwatcikectamaketc matci kata ki wicamew awiriwa ka tapwerimatc kitci witcikapowictakotc mekwatc e tapwatak kekotc matci kata ki itew kitci motci masinacteparitac . Matci kaie kata ki karitiso aka kitci wapamikotc ka ki mamocimatc e ki akweritamihikotc kekotc ka ki wani aitotakotc. Patam tca kata otapinam niheriw tipaskonikewiniw ka mitatc.



E ACTEK WERITA
KITCI WITAMAKOIN



E ACTEK KITCI
NANAKATCIHIKOIN



ACTEW KITCI
NTA WITAMAN



ACTEW KITCI
NATOCKASOIN



ACTEW KITCI
ARIMIHIWEIN

Kekwan matci ke ki acotcisinahikatek kecpin e mamocitcicikatek kekwan ?

Nihe mamocitamoc masinahikan patam kata nosanetakaniwon takon masinahikan tan ke iti aitcitakaniwok e orisinahikatek masinahikan takon meka nasanehamoc masinahikan. Kaskina tca wiec peikonok icinakon kitacikewininak. Patam kaie kata masinatew neta kekwariw wetci peikw awik tepirak tipatcimotcetk. Wir kata witam e ici takickakotcik patahamowiniw. Otaiciwerimowiniwak, owiawiwak, ocoriamiwak acitc tan e ici arimanik kaskina wirawaw pepeikw e tacitcik mamoc owitcicaniwaw,kaie okwimesiwaw. Matci kata ki acotcitaw tesinikaniw kekotc atisoke masinahikaniw wawatc tan e iterimotcik kata masinahamoc acitc tan iririk e ici takickakotcik opimatisiwiniwak.

Tan ke ki totcikatek kitci pakitinikatek mamoc mamocitcicikan masinahikan ?

Kaskina kotc e ici aitacikeiikw ota kitacikewininak kata ki orisinaham tan wir e ici orocawetc ke ici nasanetakaniwonik mamoc mamocitcicikaniw. Nihe masinahikan ke mockinesinahikatek nte ici aitakono takonike irinikiwamik, kekotc nte ko ka ici otamirotcik ka witcihiwetcik kecpin e takickakemakak arimitakosiwinik. Tawok kaie ka atoskectakotcik ke ki witcihiwetcik e mockinesinahikatek nihe mamoc mamocitcicikan masinahikan. E ickwa mockinasinahikatek matci kaie wirawaw mirakaniwok aniki arotakanak.

Otitako tca masinahikaniw anaha ka ki patahak kekotc otarimitakosi irinima kata mirakaniwiriw e ki tapasinahikeparitakaniwonik. Enkweriw meka ke apatcitatcik kitci nanto kiskeritakik kekwariw wetci itactahorakaniwitcik.

Awin ke ki aimihakaniwitc kecpin awocamec e wi nanto kiskeritcikatek ?

Kecpin kir awik kiskerimate e ki akweritamihakaniwitc matci ki ka ki witcihikowinawaw. Kaskina wiec ota kanata askik takon nihe witcihiwewin aniki otci ka akweritamihakaniwitcik matci ki ka witcihikowaw kekotc kata naskamoc ka ici kokwetcikemowin. Neta takon e masinatek ke ki ici witcikoin. Répertoire des services aux victimes wirawaw ki ka witamakoc tante ke ici nta kokwetcikemoin ite e ici peconakoc kitacikewin.

<http://www.justice.gc.ca/eng/cj-jp/victims-victimes/vsd-rsv/index.html>

© Kitci Okimakew e nikanipictak ota Kanata askik aniki tca e atoskectowatcik kitci tipaskonike iriniwok acitc ka nikanipictak tipaskonikewinik Kanata 2019

ISBN 978-0-660-30617-9
Cat. No. J2-412/6-2015Rc1-PDF